



Isalathiso: 20160518-451
8/2/5
Imibuzo: D de Pontes

ISetyhula: 0036/2016

Umhla wokuphelelwa: Awukho

Iya: KumaSekela Balawuli-Jikelele, kuBalawuli abaziiNtloko, kuBalawuli nakumaSekela-Balawuli (kwaNdlunkulu nakwii-ofisi zezithili), kwiiNgcali zeMfundo eziziiNtloko, kwiiNtloko zoQuquzelelo neNgcebiso ngeze-IMG, kuBaphathi beeSekethe, kwiiNqununu nakooSihlalo bamaBhunga oLawulo ezikolo zikarhulumente ezikwipropathi karhulumente

Isishwankathelo esifutshane: *Isikhokelo ngokufakwa kwee-cellular masts nee-base stations kumasango ezikolo zikarhulumente.*

ISihloko: Isikhokelo ngokufakwa kwee-cellular masts nee-base stations kumasango ezikolo zikarhulumente.

1. ISebe leMfundo leNtshona Koloni (iSebe iWCED) ngokwenjenje libonelela ngesi sikhokelo silandelayo simalunga nokufakwa kwee-cellular masts nee-base stations kumasango esikolo sikarhulumente.
2. Amabhunga olawulo ezikolo zikarhulumente ezikwipropathi karhulumente makafake isicelo semvume yokufakwa okucetywayo kwe-cellular mast ne-base stations kumasango esikolo ngokungqinelana neSetyhula 0032/2012.
3. Isicelo masingeniswe sikwilethedi yesikolo, sihambe kunye nala maxwebhu alandelayo:
 - 3.1 Imizuzu yentlanganiso apho ibhunga lolawulo livumayo ukuba kufakwe i-cellular masts ne-base stations kumasango esikolo eso; kunye
 - 3.2 Neleta esayinwe ngusihlalo webhunga lolawulo ebonisa igama nesikhundla selungu lebhunga lolawulo eligunyaziswe ukuba lisayine amaxwebhu ale projekthi egameni lebhunga lolawulo.

4. Ibhunga lolawulo linokungena kwimvumelwano yengqeshiso elibophelelayo ngokusemthethweni nababoneleli-nkonzo bonxibelelwano ngeeselula (*cellular network providers*) malunga nokufakwa kwee-*cellular masts nee-base stations* kumasango esikolo, ngokuxhomekeke kule miqathango ilandelayo:
 - 4.1 Makusetyenziswe imvumelwano yengqeshiso ebonelelwe liSebe iWCED.
 - 4.2 Ithuba lemivumelwano yengqeshiso malingadluli kwithuba elimiselweyo kwimvumelwano yengqeshiso (*lease agreement*) kodwa umenzi-sicelo uya kunikwa ithuba lokukhetha ukuyihlaziya imvumelwano yengqeshiso.
 - 4.3 Irenti yaqho ngenyanga ehlawulwa ngumboneleli-nkonzo wonxibelelwano ngeeselula (*cellular network providers*) wabucala, mayihlawulwe kwi-akhawunti yebhanki yesikolo. Ezi mali mazisetyenziselwe iinjongo zezemfundo.
 - 4.4 I-*cellular mast ne-base station* mazibiyelwe ngokukhuselekileyo (ucingo lokhuseleko lufanele ukuba bubude obuziimitha eziyi-1.8 obona bude busezantsi) ukwenzela ukuthintela abafundi ukuba basondele kakhulu kwi-*cellular masts okanye kwi-base stations*.
 - 4.5 Mazibekwe kude kakhulu kwisakhiwo sesikolo (kwizakhiwo zesikolo) ii-*cellular masts nee-base stations* kangangoko kunokwenzeka yaye kukhethwa ukuba zibe kwindawo esekoneni apha kwisiza sesikolo nengasemva kwesakhiwo (kwezakhiwo zesikolo), esingundoqo sesikolo.
 - 4.6 Ukuba kunokufuneka umbane (*electrical current*), loo mbane awunakubonelelwa sisikolo. Makuthethwe namagunya engingqi malunga nesibonelelo esahlukeneyo sombane ngeendleko zomboneleli-nkonzo wonxibelelwano ngeeselula.
 - 4.7 Umboneleli-nkonzo wonxibelelwano ngeeselula makazibophelele ekubeni uya kuyisusa i-*cellular mast okanye i-base station*, ngeendleko zakhe zingekapheli iintsuku ezingamashumi amathandathu (60) emva kokuba liphelile ithuba lemivumelwano yengqeshiso.
 - 4.8 Ukuba uphando lunika ubungqina bokuba kwixesha elizayo ezi *cellular masts okanye ii-base stations* zikhupha imitha ye-*radiation* eyingozi kwimpilo yabantwana nakubahlali abahlala kufuphi nezi *cellular masts ne-base stations*, iSebe iWCED nezikolo ezichaphazelekayo azinakubekwa tyala ngazo zonke iindleko zokumangalelwa nezonyango ezimalunga noku. Ezi ndleko mazihlawulwe liGosa eliyiNtloko leSigqeba soLawulo naMalungu eQumrhu lomboneleli-nkonzo wonxibelelwano ngeeselula, o.k.t. abanini be-*cellular masts ne-base stations*.

- 4.9 Kucelwa ababoneleli-nkonzo bonxibelelwano ngeeselula abangena kwimvumelwano namabhunga olawulo bawaqwalasele amagatya 7.21 no-7.22 emvumelwano yengqeshiso (efumaneka kwiCandelo loCwangciso noLawulo lweZiseko zoPhuhliso) ajongene namaqondo *e-radiation*, ingxelo engawo nokubekwa kwawo esweni).
5. Iyathakazelelwa intsebenziswano yenu ngokumalunga noku.

ISAYINWE: NGU- PA VINJEVOLD

INTLOKO: YESEBE LEMFUNDO

UMHLA: 2016-06-23